

8

*Infans commodius alitur lacte materno  
quàm nutricis aliena.*

**N**on confanguineo positi ferrumine muri  
Ecstáticos torquent miracula; tanta, Quirine,  
Horrida barbarici haud irritamenta furoris  
Indidit impavidi Mavortis crimine turgens  
Ilia, virginei quondam temerata pudoris  
Sacra Deæ luituras hoc non humana dederunt  
Ubera prodigii, rabidarum sæva luparum  
Immisere suos immanes inguina mores,  
Inque fero tradux venit hæc truculentia lacte.  
Haud nuda haurimus primis alimenta sub annis,  
Indita transfundunt ea non infida futuri  
Auspicia ingenii; perstant infixæ medullis,  
Inconcussa manent vitiorum semina, læsa  
Tradita quæ dederat conductæ per ubera nutrix.  
Mater atrox, nivei latices scatebræque floris  
Cur donat natura tibi? cur pectore pulchro  
Lactifero geminata sororiat ubere mamma?  
Quæ permutati sequitur jam nausea victus?  
En validis ruptus vagitibus ut sua matri  
Testatur natus fastidia, sueta prioris  
Debita perquirens alimenta & gaudia victus.  
Hinc caput immeritum lethalia semina morbi  
Atroci exercent stimulo, collapsæque tandem  
Corpora squallenti languore, parentis inertis  
Icta luunt diro crudelia crimina fato.  
Hinc sopita perit <sup>sopitis</sup> scintilla, sagacis  
Implantata manu Naturæ, hinc cassæque nati  
Pectora congenitis affectibus impia flammis.  
Dimidiata tuæ sobolis, non integra mater,  
Expetis officium frustra aut genetricis honores;  
Si totum expectas natum, sis integra mater.

*Spiritus ~~vici~~ nullibi existant  
à sanguine separati.*

**S**I quid in humano scrutari corpore velles  
Sincerum, tacitâ quærens indagine partes  
Immixtas, operam ludis; cum singula miscet  
Plastica naturæ miro coramine dextra.  
Nempe capit partem pari, & sic quæque propinquæ  
Contiguos infert nexus. *Unita foventur  
Amplexu proprio, premii indigesta ruina.*  
Insinuant sese miris amplexibus ipsi  
Aerei comites, ac dum se sanguine tingunt,  
Arctos irriguo mulcent humore canales:  
Circuitûque meant vario, quæ arteria ductum  
Præbet, quæque patet teneræ plaga cærule venæ.  
Hinc est quod gradimur, sentimus, vivimus; ipse  
Sanguis per cunctos gradens hinc inde meatus,  
Efficit ut quodvis fungatur munere membrum.

*ERGO,*

Spiritibus, quia sunt iso cum sanguine mixti,  
Nulla datur sedes, ubi seorsim existere possunt.

Jul. 5. 1653. in die Com.

Resp. M<sup>ro</sup>. Brady, Coll. Cair. Gony.